

905778



J. F.  
DE

*Fe*

# ECCLÉSIA

GRÆCORUM VETE-

RI AB HÆRETICIS DIVERSIS

gravissimè afflicta,

IN ACTU VIRLINGIANO

GYMNASII MAGDALENÆI

*d. 3. Martii,*

*1678.*

hora 8. matutina

*Dissertationes*  
habendas

*indicite*

M. JOHANNES FECHNERUS.


---

WRATISLAVIÆ.

In Hæredum Baumannianorum Typographia  
exprimebat Godofredus Gründer.



LeCtor benigne,  
gratia & pax DeI te seruet & tui M.

Raciam veterem, ac in eâ potissimum Civita-  
tem Atheniensium, quæ ob præcellentiam su-  
am ab Euripide Tragico apud Athenæum Dip-  
nosophistam scitissimè *Ἐλλάς Ἑλλάδος*, Græcia.  
Græciæ nuncupatur, fuisse Disciplinarum Liberalium ma-  
trem & propagatricem fecundissimam, neminem Erudi-  
torem latet. Hæc enim quam plurimos fovit produxitq;  
Sapientes, qui posteritati consultum cupientes ingenia &  
studia sua, ut Plinii Senioris utar verbis, rem fecerunt pu-  
blicam, Artesq; suas monumentis litterariis commissas  
Orbi universo liberalissimè communicârunt. Nempe At-  
ticum illud Astu, seu Oppidum totius Græciæ primarium,  
& alterum juxta Spartam ejusdem *οὔμα*, à statuis frequen-  
tissimis Minervæ, quam Græci *Ἀθηνᾶν* vel *Ἀθηνᾶν* vocarunt, in-  
ibi locatis consecratisq; hoc nominis indeptum, per omnes  
mundi oras sapientiæ suæ deduxit colonias & fertiles litte-  
rarum humaniorum traduces propagavit. Eapropter à  
Diodoro Siculo Bibliothecæ historicæ conditore clarissi-  
mo *πᾶντων ἀνθρώπων παιδὸς ὀνηριον*, omnium hominum schola, non  
falsò fuit appellata. Fuere quidem aliæ quoque Nationes,  
quas mysticæ Sapientiæ fama per Orbem claravit. Cele-  
brantur Ægyptiorum Sacerdotes, Persarum Magi, Assy-  
riorum Chaldaei, Indorum Gymnosophistæ & Brahmani,  
Celtarum Barditæ, Gallorum Druidæ, Illyricorum Sammo-  
nii, & aliarum gentium hujus farinæ sapientes. Sed quia  
iisdem per scripta in lucem publicam emissâ populis legen-  
dos.

905178

II



dos se non præbuerunt, exterosque sapientiæ suæ arcana facere participes renuerunt, Lethæa oblivio scientiæ ipsorum vestigia à tergo delevit, aut si qua adhuc restant, in Græcorum Philosophorum monumentis ad posteros transmissis restant.

Sanè Pythagoras ex hieroglyphicâ Ægyptiorum Sapientiâ, tanquam picturâ loquente, non pauca in suum traduxit Lararium, uti ex Symbolis ejus, vel Gnomis allegoricis verè aureis luculenter apparet. Inter alia dogma illud monstrosum de *μετεμψυχώσει*, vel transmigratione animarum è Graciâ Magnâ sive Calabria superiori, non in universam tantum terram Italiam, sed in Asiam quoque & ad extremos usque Indos ac Gymnosophystas penetravit. Horum enim posteri Bramini dæmonum mystagogi paganis illic degentibus persuaserunt, animas hominum morientium in bruta animalia, & bonorum quidem in mansueta; pecora, jumenta, præsertim boves, quos supersticiosè venerantur; nec non aves domesticas & oscines, pisces item innoxios: malorum verò in feras bestias, lupos, tygrides, crocodilos, serpentes, bufones & similes commigrare. Idcirco Beniani, & Jenitivi alique dæmonicolæ, qui vel in Malabaricâ, vel Malaicâ orâ extrema & in mare procurrente habitant, vel Interiori in Indiâ, in Bengala, Colconga, aliisque Regnis, quæ Magno Mogoli parent, vel tributa pendunt, passim reperiuntur, ab esu carni-um & cæde brutorum quorumvis, etiam noxiorum & insectorum vilissimorum prorsus abstinent; uti Itineraria illorum, qui terras istas orientales penitus perlustrarunt, affatim contestantur.



Notum est Platonem Academiæ erudiæ fatorem & statorem non Ægyptios tantum, sed & Phœnices ipsorumque vicinos Hebræos pervestigandæ Sapientiæ arcane causa adiisse. Certè ex Mose & Salomonis sententiis habuisse eum multa, & in Libros suos derivasse, Viris eruditis, qui Philosophi hujus Divini cognomine celebris, monumenta relicta perquisitè evolverunt, satis est exploratum.

Aristoteles verò è Lycéo vel Peripato suo progressus, totum Orbem eruditum perambulavit, & in cathedras ordine recto & perspicuè philosophantium dudum receptus, etiamnum Disciplinas liberales publicè docet. Nemo enim ex novitiis Philosophis aptiorem ad docendam Sapientiam humanam methodum hætenus invenire potuit. Proinde si non ubique in docenda & discenda Philosophia dogmatica dux adhibendus, comes tamen commodus esse potest, & sicubi à tramite recto aberravit, (non enim in omnibus, Physicis præsertim Acroamatis, satis oculatus fuit, ut experimentalis rerum cognitio demonstrat,) in viam comiter revocandus est & corrigendus. Frustra igitur Gassendus, Helmontius, Cartesius alique novarum opinionum promi-condi Philosophiam Peripatericam, tanquam sophisticam & futilem, suis obrectationibus ubique ejectam prostratamque cupiunt. Ipsi enim in diversas à se invicem discedunt sectas, ut nescias, cui te addicere debeas.

Quid jam memorem de Historicis, de Oratoribus, de Poëtis Græcorum, quorum opera vel integra, vel eorum lipsana & fragmenta manibus nostris teruntur? Nonne illa Atticam antiquitatem & omnigenæ eruditionis & elegantiae flavissam residuam, tanquam hæreditatem lautissimam nobis exhibent possidendam?

Verum



Verum non tantum litterarum humaniorum, sed Religionis quoque Christianæ propagatrix sedula fuit Græcia. Ipse Deus benignissimus hominum Servator, amplissimam Græcorum nationem tanto præ cæteris gentibus cumulavit munere, ut salutiferam Novi Testamenti <sup>Διαθήκη</sup>, & Evangelium de JESU Christo Redemptore hominum omnibus in Lingvis vivâ voce prædicatum, non nisi Græco Idiomate ab Apostolis divino afflatu impulsis perscribi curaverit. Eo namque tempore, quo Filius DEI unigenitus in carne apparuit, omnibus in Provinciis, Romano Imperio subjectis Græcus sermo receptus totum penè Orbem non peragraverat modò, sed & infederat. Ita singulari Numinis divini ope Doctrina salutis tantò facilius generi humano se insinuavit. Apostoli natione erant Hebræi: sed ad Hebræos non hebraicè, nec ad Latinos latinè, sed Græcâ in lingvâ Epistolas exarabant. Ac Græca quidem Ecclesia ab Apostolis, imprimis D. Paulo Gentium Doctore ex semine Verbi <sup>Θεοπνευστος</sup> plantata, à Presbyteris sanctis largiter rigata, & à DEO ipso cælesti benedictione oppidò repleta, <sup>ὡριμαίνοντων διδασκῶν</sup> primitus puram & illibatam custodivit, & ethnicâ superstitione repudiata, pomœria sua longè latèque extendit. At Satanæ capitalis Christi & Christianorum hostis maturè inter semen bonum Zizania sua sparsit, & Apostolis jam vitâ exemptis, ex ipsis eorum discipulis suscitavit viros quosdam <sup>διεσπασμένα</sup> loquentes, ut in Partes suas pertraherent plures, sicut D. Paulus prædixerat. (Act. 20. §. 30.) Tales fuere Ebion, Cerinthus ac similes Diaboli primogeniti, qui vivente adhuc D. Johanne Theologo, novas & scriptis Apostolicis adversantes opi-



niones Ecclesiæ obtrudere allaborabant. Ac primum, quidem Religionis Christianæ caput de Personâ Christi nefariè infestabant: Alius Salvatoris Divinitatem, alius veram ejus Humanitatem negabat. Cumque post truculentissimas persecutiones, imperante Constantino Magno, Ecclesia ab externis hostibus & Tyrannis quietem nacta esset & incrementa caperet, idololatriæ in angustias pagorum (unde paganorum ortum nomen) reductis, non quievit Satanas, sed dissidia & discidia inter Episcopos & Doctores, à quibus Religio Christiana mirè & miserè fuit convulsa, suscitavit.

In primis Arius (Ἀρειος) hæresiarcha pestilentissimus contra orthodoxos insurrexit. Hic Filium DEI Patri æterno ὁμοούσιον, essentiâ æqualem esse blasphemè negavit, abusus pessimè ipsius Salvatoris enunciato, quo dixit: Pater me major est: (Joh. 14. v. 28.) Unde perversissimus impostor subdolè collegit, Filium Patre esse minorem & creaturam. (Theodor. l. 7. H. E. c. 11.) Consopita quidem fuit hæresis hæc in Synodo Nycænâ, & Filii DEI Majestas validè adserta, sed consopita dundaxat. Nam sub tripartito filiorum Constantini M. Imperio, præsertim sub Constantio, qui partes Arianorum fovit, denuò ex cinere doloso emerfit secta hæc damnata, oppressis per sycophantias orthodoxis Episcopis & exilio multatis. Cumque malum hoc pestiferum per totum Imperium, ut torrentissima eluvies se diffudisset, non falsò tunc dictum fuit; miratum esse mundum, se tam subito factum esse Arianum. Sicuti verò dato uno absurdo, plura sequuntur: Ita ex sectâ Arianicâ furor Antitrinitariorum erupit. Photinus enim Christum



Christum non esse D E U M , sed hominem tantum. , ore blasphemio dictitabat: Cui succenturiatam quasi præstans operam Macedonius, Spiritus Sancti Divinitatem negavit. Excisa deinceps hæreses istæ fuerunt in Concilio Ephesino & Chalcedonensi: Sed ex radice præâ, præter Nestorii & Monotheletarum errores, propullulavit schisma illud diuturnum, de Processione Spiritus S. quod etiamnum miseræ illæ Græcorum reliquiæ, jugo Mahumetico pressæ mordicus retinent. Nam contra diserta Symli Nycæni verba dicunt, Spiritum S. non à Patre & Filio, sed à Patre per Filium procedere, uti apparet ex Synodo alterâ contra Cyrillum Lucarim sub Parthenio Patriarchâ An. 1642. habitâ, (V. Felav. Præfat. in Enchir. de statu hodierno Græc. Christ. Christoph. Angeli.

De intestinâ hâc calamitate Ecclesiæ Græcæ præsertim veteri ab hæreticis inflictâ in Actu Declamatorio, qui Virilingianæ memoriæ recolendæ gratia hoc tempore haberi solet, die crastina, DEO adjuvante, differere constitui: *Quod Vobis, Patroni & Fautores Litterarum submisissè & officiosè honorandi, insinuandum duxi, enixè rogans, ut cras horâ 8. ante meridiem Acroaterium nostrum Magdalenæum in visere, & operam auricularem mihi & discipulis meis dicturis adhibere dignemini. Ego vicissim ipsis observantia & officiosæ voluntatis studia, qualia quidem à meâ tenuitate proficisci possunt, promitto. Prop. publ. postridiè Calend. Martii. Anno reparatæ Salutis, quo meritò precamur, Gratia & pax DeI & vobis & InColM Mes nos servet.*

Dicent



## Dicent

*I. Praeceptor, Generatim, Sermones Græco eoque succincto, de Græcorum Ecclesia veteri diversis ab Hereticis miserè turbata & lacerata:*

*II. Discipuli, Speciatim & distinctè de eadem Materia,*

*1. Ex Primariis*

*1. Expositivè, Christianus Guttbier / Ligniciensis, &  
Johannes Christianus Eckhardus, Witebergensis.*

*2. Narrativè, David Titius, Posonio-Pannonius, &  
Johannes Caspar Nimptsch / Bernstadiensis:*

*3. Comparatè (Græcè) Paulus Jenichius Lauba Lusatus.  
Singulatim, Carmine Heroico, de Constantini M. in opprimendis tyrannis  
fortitudine & heresibus, præsertim Ariana, convocando Concilium Epi-  
scoporum pietate,*

*Johannes Christophorus Sigis MVnDI, VratisLaviensis.*

*2. Ex Secundariis, recitaturi excerpta ex Historia Ecclesiastica Nicephori de  
Heresiarchis quibusdam,*

*1. De Ebione, Samuel Grosser / Olsnensis,*

*2. De Cerintho, Benjamin Bartsch / Hainoviensis.*

*3. De Ario, Johannes Christophorus Burckhardus, Wratislaviensis, &  
Carolus Henricus ab Aleman /*

*4. De Photino, Georgius Christianus Kreschelius, Sirelensis, &  
Johannes Christianus Gasto, Winzigiensis.*

*5. De Macedonio, Sigismundus Hahn / Svidnicensis.*

*3. Ex Tertiariis, pronuntiaturi Symbola orthodoxæ fidei heresibus opposita.*

*1. Nicænum, Johannes Christophorus Albinus,*

*2. Athanasianum, Johannes Gottlieb Frimelius & Johannes Zander /*

*3. Chalcedonense, Johannes Georgius Blisch /*

*4. Determinationes Synodi Ephesina, Henricus Hache / omnes Wratisl.*

*Coronidis Iacoprecatiunculas quasdam selectas ex eis, quas B. Franciscus  
Virlingius, Matthia Pater Diaconus quondam Adis sacre Mario-  
Magdalenaæ præclarissimè meritis, Capp. Biblicorum Lectioni-  
bus, speciatim Epistolis ad Corinth. subjecit, recitabunt,*

*Johannes Urbanus Hulst / Georgius Ferdinandus Brückner /*

*David Niebling / Johannes Fridricus Mittmann /*

*Wratislavienses.*

